



Miäradäs

28.10.2021

VN/11265/2020

VN/11265/2020-VNK-58

Sämmilij tuotävuotä- já sovädättämkomissio asättemmiäradäs

Asättem

Staatäräädī lii oovtästpargoost Sämitiggijn já Nuorttälj sijdäčuákkimáin meridäm asättid Sämmilij tuotävuotä- já sovädättämkomissio.

Toimápaje

28.10.2021-31.12.2023

Tuávááš

Sämmilij tuotävuotä- já sovädättämkomission lohtäseijee valmášttállämpargo algättui Sämitige aluu vuáduid ive 2017. Uáiviminister Sanna Marin haldättäsohjeml miäldäsávt pargo komissio vuáduidem várás lii jotkum tááláá haldättäspaajeest.

Staatäräädī kanslia já riehtiministeriö valmášttállii oovtästpargoost Sämitiggijn já Nuorttälj sijdäčuákkimáin ive 2019 tollum ráđádälmijn mandaat Sämmilij tuotävuotä- já sovädättämkomission. Haldättäs eehidškoovlást 13.11.2019 kiedävuššii komission valmášttállum mandaat já onnii, ete ääšist pyehtih ovdániid komissaarij nomättemprosesân. Meid Sämitigge já Nuorttälj sijdäčuákkim tuhhiittii mandaat loppäivveest 2019.

Mandaat valmášttállám toorjân toimij ive 2018 uárnejum seminaar aalmugijjokskâsijn tuotävuotä- já sovädättämkomissiofeerimijn sehe vijdes kuullämrieggee sämmilij päikkikuávlust já ton ulguubeln. Kuullämraapoort almostui skammâmáánust 2018. Sämitigge já Suomâ haldättäs tiedettii ovdâskoddejuávhoid tuotävuotä- já sovädättämprosesist 21.11.2018.

Sämitigge já Nuorttälj sijdäčuákkim uccii komissaariävtukkâsâid sämisiärvádâhân čujottum ávus iävtukkâsmonättälmist. Sämitige čuákkim meridij čuákkimistis 18.12.2020 iävtuttid komissaarin Heikki J. Hyvärissi já Miina Seurujärvi. Njellim-Kidđájäävri já Njiävđám kuávlui nuorttäläšräädih meridii 9.12.2020 tollum čuákkimist iävtuttid Nuorttälj sijdäčuákkim peeleeest komissio jesânin Irja Jefremoff.

Staatâ komissaariävtukkâsâid karttii virgeolmoošvalmášttälmin. Komissaariävtukkâsân meridii iävtuttid Hannele Pokka já Kari Mäkisii. Sämitigge tuhhiittij čuákkimistis 18.2.2021 oovtmiehlälvat staatâ iävtuttem tuotävuotä- já sovädättämkomissio komissaariävtukkâsâid. Nuorttälj sijdäčuákkim tuhhiittij staatâ komissaariävtukkâsâid 20.-21.2.2021 tollum čuákkimist.

Mittomereh já pargoh

Postiosoite
Postadress
Postal Address
Valtioneuvoston kanslia

Käyntiosoite
Besöksadress
Office

Puhelin
Telefon
Telephone

Faksi
Fax
Fax

s-posti, internet
e-post, internet
e-mail, internet

PL 23
00023 Valtioneuvosto

Snellmaninkatu 1 A
Helsinki

29 516 001
35 829 516 001

916 022 165
+358 9 1602 2165

kirjaamo@vnk.fi

Sämmilij tuotâvuotâ- já sovâdâttâmkomissio mandaat miäruštâl komissio pargo mittomeerijd já pargoid.

Sämmilij tuotâvuotâ- já sovâdâttâmkomissio lii toimâstis jiečânâs já jiešrádálâš.

Sämmiliih láá EU-kuávlun áinoo algâaalmug. Sämmilij sajattâh lii torvejum vuáđulaavâst. Vuáđulaavâ 17 § 3 moomeent miel sämmilijn algâaalmugin lii vuoigâdvuotâ paijeentoollâđ já ovdediđ jieijâs kielâ já kulttuur.

Mandaat miel tuotâvuotâ- já sovâdâttâmproosees ulmen lii tubdâđ já árvuštállâđ historjálíi já tááláá olgoštem, miel diluhâmáin staatâ suddâluttempolitiik, sehe vuoigâdvuotâi luávkkimijd, selvättiđ maht toh vaigutteh sämmiláid já sii siärvádâhân tááláá tiileest já iävtuttiđ, ete maht puávtáččii ovdediđ ohtâvuotâ sämmilij já Suomâ staatâ kooská sehe sämmilij juávhust. Tuotâvuotâ- já sovâdâttâmproosees ulmen lii lasettiđ tiäđulâšvuotâ sämmilijn Suomâ algâaalmugin. Ulmen lii meiddei, ete tuotâvuotâ- já sovâdâttâmproosees puáđusin Suomâ staatâ kuádá ovdâsvástádâs já oovtâst Sämitiggijn, Nuorttâlij sijdâčuákkimáin já eres säämi tuáimeiguin naanood sämmilij vuoigâdvuotâi olášume Suomâst.

Komissio pargo ulmen lii nuurrâđ sämmilij feerimijd Suomâ staatâ já eres virgeomâhái toimâin já tast, magareh vaikuttâsah já čuávumušah toin láá lamaš já ain láá sämmiláid algâaalmugin já ton jesânáid ovtâskâs olmožin, já pyehtiđ taam tiäđu uáinusân.

Hammiimáin ohtsii ibárdâs historjálíi já tááláá olgoštmiest, miel diluhâmáin suddâluttempolitiik, sehe vuoigâdvuotâluávkkimijn komissio ráhtá vuáđu sovâdâttâm sämmilij já staatâ kooskást, rááhtuslii nubástusân sehe luáttámušân vuáđuduvvee vuáruvaikuttâsân, mii tuárju sämmilij máhđulâšvuotâid paijeentoollâđ já ovdediđ jieijâs kielâ já kulttuur, moos kuleh ärbivuáviliih iäláttâsah – moi váimusist lii ohtâvuotâ enâmân já čáácán.

Komissio kalga viggâđ väldiđ pargostis huámmášumán sämmilij vuoigâdvuotâi olášuumân vaigutteijee kuávdâš nubástustahheid, tegu šonjâdâh nubástus.

Komissio kalga raččođ já išediđ kiedâvuššâđ traumaid, maid sämmiliih kyeddih suhâpuolvâst nuubán nuuvt aalmugin ko meid ovtâskâs olmožin. Psykososiaallâš toorjâ lii Sämmilij tuotâvuotâ- já sovâdâttâmproosees olášume tehálâš uási. Jiegâlii já psyykkisii torjuu sâmikielân já kulttuurtuávvá vaattâm vuovvijn kalga leđe faallâmnáál oles proosees ääigi.

Ko váldoo huámmášumán, ete sämmiliih láá aalmug neelji staatâ siste, já ete västideijee tuotâvuotâ- já sovâdâttâmproseseh láá joođoost tâi vuávvámnáál Taažâst já Ruotâst, te komissio pargoost kalga väldiđ huámmášumán tave-eennâmlíi uáinu já lääččiđ ohtâvuotâid eres Tave-enâmij prosesáid.

Komissio pargo ulmen lii meiddei nanodiđ sämmilâšvuotâ já sâmikulttuur tubdâmuš válduaalmug kooskást já návt lääččiđ máhđulâšvuotâid tai juávhui koskávuotâi ovdánmân pyereeb kuávlun.

Komissio kalga ráhtiđ pargostis raapoort, mii ana sistees meid toimâiävtuttâsâid. Raapoort adeluvvoo staatârääđán, Sämitiigán já Nuorttâlij sijdâčuákkimân 30.11.2023 räi. Jis komissio ana tom taarbâšlâžžân, te tot puáhtá adeliđ pargostis meid koskáraportijd.

Sämmilij tuotâvuotâ- já sovâdâttâmkomissio čuákánpieijâm

Komissiost láá vittâ komissaar. Mandaat miäldásávt komissaarijn kyevtis lává väljejum staatâräädi iävtuttâsâst, kyevtis Sämitige iävtuttâsâst já ohtâ Nuorttâlij sijdâčuákkim iävtuttâsâst. Tuotâvuotâ- já sovâdâttâmkomissio toimâmáhđulâšvuotâi raamij siste komissaarijd tahhojeh oovtiärdásiih máhđulâšvuotâh uásálistiđ tievâslávt komissio paargon.

Jesâneh

Heikki J. Hyvärinen, náguskirjetotkee, riehtitiettui kandidaat
 Irja Jefremoff, haldáttáhtiettui maister
 Kari Mäkinen, arkkâpispes emeritus, teologia tuáhtár
 Hannele Pokka, pargoellimprofessor, riehtitietuu tuáhtár
 Miina Seurujärvi, filosofia maister

Čäällimkodde

Komissio väljee olssis uáivičállee já máhđulijđ eres čäällimkode jesânijđ.

Čuávumjuávku

Staatârääđi kanslia aasât čuávumjuávhu tuotâvuotâ- já sovâdâttâmkomissio toorjân. Čuávumjuávkun puávdejuvvoje ovdâsteijeeh Sämitiggeest, Nuorttâlij sijdâčuákkimist, ovdâskoddeest orroo piäláduvâin, evangellâš-lutterlii kirhoost já ortodoksilii kirhoost. Čuávumjuávhu saavâjođetteijen tuáimá uáiviminister staatâčállee. Čuávumjuávku parga tassaaš ko tuotâvuotâ- já sovâdâttâmkomissio pargo nohá.

Almoliik miärádâsah já koloh

Komissio puáhtá čuosâttiđ tooimâs já ornijduđ nuuvt ko jieš pyeremusávt ana já vuáđudiđ ovdâmerkkân pargojuávhuid tâi juáhusijđ vâi puáhtá tevidiđ jieijâs toimânkoččom já toos asâttum mittomeerijđ.

Sovâdâttâmprosees amnâstâh piäjoo Aalmuglâšarkkâdov Sämiarkkâdâhân.

Komissio koloh máksoje momentist 23.01.26 Sämmilij tuotâvuotâ- já sovâdâttâmprosees ovdedem.

Ive 2019 budjetist já ive 2021 III lasebudjetist momentân 23.01.26 lii mieđettum meriruttâ ohtsis 2,3 miljovn eurod. Haldâttâs lii toohâm iävtuttâs ive 2022 budjetân 0,460 miljovn euro laseruttâdmist, mii váátá ovdâskode tuhhiitem. Staatâ budjetist mieđettum meriruudâin luávdoje komission já ton čäällimkoodán sehe ovdâmerkkân psykososiaallii torjui lohtâseijee koloh. Jis komissio pargo ulmemiäldâsâš ornim tâi proosees ovdânem váátá staatâ budjetist mieđettum meriruudâ nubâsmittem, te komissio puáhtá toohâđ staatârääđi kanslian vuáđustállum lasemeriruttâiävtuttâs.

Komissio tuhhit jieijâs siskáldâs budjet, eereeb psykososiaallii toorjân kevttimnáál meriruudâ.

Komissio jesânij já čälleekode mätkikoloh sajanmáksoje momentist 23.01.26 staatâ madhâšemnjuolgâdus miäldâsávt.

Uáiviminister

Sanna Marin

Sierânâsâššitobdee

Nina Brander

Lahtoseh Sämmilij tuotâvuotâ- já sovâdâttâmkomissio mandaat

Jyehim Heikki J. Hyvärinen
 Irja Jefremoff
 Kari Mäkinen
 Hannele Pokka

Miina Seurujärvi

Tiättun

Sämitigge
Nuorttâlij sijdâčuákkim
Sämiarkkâdâh
PLM Piäluštâsministeriö
YM Pirâsministeriö
OM Riehtiministeriö
UM Olgoministeriö
VNK Staatâräädi kanslia
TEM Pargo- já iälättâsministeriö
LVM Jotolâh- já viestâdemministeriö
STM Sosiaal- já tiervâsvuodâministeriö
VM Staatâvarijministeriö
OKM Máttáättâs- já kulttuurministeriö
MMM Eennâm- já meccituáluministeriö
SM Sisministeriö